



Inatsisartut isummerfigisassaattut siunnersuut, Naalackersuisut peqquneqassasut Angalallutik immikkut suliaqartussanik pilersitseqqullugit, immikkut atuartitsinermut tapersiinermik suliaqartussanik tassani sineriammi atuarfinni ilinniartitsisut aaliangersimasut immikkut atuartitsinerat qaffassarniarlugu.

(Inatsisartunut ilaasortaq Nivi Olsen, Demokraatit)

(Siullermeerneqarnera)

Demokraatit Inatsisartunut ilaasortaq Nivi Olsen pingaartumik isummerfigisassatut siunnersuutaanut qujanaq.

Meeqqatsinnut atuarfimmik pitsaanerpaamik pilersitsissaagut. Meeqqat qanorluunnit unammilligassaqartigaluarpata, atuarnertik tamaat ilorrisimaassapput. Taamaaliornikkut annertunermik imminnut tatigilersimallutik ilinniagaqalernissaminnut kingusinnerusukkullu inuussutissarsiuteqalernissaminni iluaqutissaannik. Taamaattumik siunnersuuteqartup tunngavilersuutai pingaaruteqarluinnarput ukiorpassuarni unammilligarisimasatta qaangerniarnissaannik siunnersuuteqarnera – tassa inuusuttut kinguaarit annaasarneri, ilinniakkamik aallartitsinngitsoortarlutillu imaluunniit meeqqat atuarfiannit aninerminni suliffinnut appakaatanninneri.

Anguniagassittariaqarpugut atuartut tamarmik inaarutaasumik misilitsittarnissaat, aamma qanorluunnit unammilligassaqartigaluarpata. Taassuma angunissaanut pisariaqarpoq nukittuumik, atuagarsornikkut qaffasissumik perorsaariaatsimik ilisimasaqarnitsigut isumaqarpugullu tamanna siunnersuummi pingaartinneqarluni tunngavilersuutigineqartoq. Anguniagassittariaqarpugulluttaaq, atuartut tamarmik inaarutaasumik misilitsereernerminni ilinniagaqarnissamut- aamma/imaluunniit suliffeqarnissamut pilersaarteqariissasut, meeqqat atuarfiat naammassigunikku. Ilaginnaannarnissaat inuusuttunut taakkununga ataqqinninnginneruvoq, inuiaqatigiillu tamanna soqutigisarinngilaat.

Eqqarsarnartoqarpoq, Naalackersuisut sapaatip akunneri siulianni oqallisigisarput tassaasoq sulisunik, innarluutilinnik sullissisunik, piginnaangorsaaneq, kommuninit aamma akisussaaffigineqartoq siunnersuut tapersersormassuk, tassungalu ilutigalugu una siunnersuut itigartillugu; tunngavilersuutigalugulu kommunimit akisussaaffigineqarnera. Isumaqaarnarsinnaagaluarpoq, siunnersuuteqartup meeqqat inuusuttullu inaarutaasumik soraarummeernissaminnut periarfissinneqarnissaannik kissaateqarnera naaperiaaffigissallugu, taamaalilluni meeqqat inuusuttullu inuiaqatigiit akornanni suliffinnut imaluunniit ilinniarfinnut periarfissaannik mattunnagit, akuusinnaangortikkumallugit suliniartoqarnissaannik.

Asseersuutigalugu siunnersuisarfimmik qitiusumiit inissisimasumik pilersitsisoqarsinnaavoq, qarasaasiakkut piginnaasatik aallaavigalugit siunnersuisinnaasunik angalalluni siunnersuisartunik taanagit, taamaalilluni aaqqissuussaak akisusariaqanngilaq, soorlu siunnersuummi akisugineqarsinnaasutut ersarissarneqartoq. Aamma pingaartuuvoq, sulisut, atuarfiit pisortai, atuarfiit siulersuisui minnerunngitsumillu IMAK



tusarnaarnissaat, qularnanngitsumik soqutigissamassuk piginnaasat atornissaannut qaffassarnissaannullu meeqqat atuarianni meerartatsinnut tamanut iluaqutaasussamik.

Atuarfimmi siulersuisutut misilittagaqarninni ilisimavara, ilinniartitsisut piginnaanngorsarneqarsimasut nutaanillu piginnaasaqalersimasut ilisimalersimasatik nutaat atortuaannanngikkaat, taamaaliornissaminut pisussaaffilerneqartanngimmata. Taamaattumik ilinniartitsioqarpoq immikkut perorsaannermut ilinniaqqissimasunik, piginnaasaminnik atorluaanerusinnaasunik, assersuutigalugu siunnersuisarfimmik qitiusumi inissisimasumiik qarasaasiatigullu siunnersuisarfimmik pilersitsinikkut, nunatsinni isorartoorsuarmi sulisut kiffartuussinerminni periarfissaqarsinnaaqullugit nittartakkatigut, tassani piginnaasat pisariartut pissarsiarinissaannut.

Nalunngilarpummi, kommunit akornanni assigiinngissutsit annertusinnaasut, meerartattalu assigiimmik meeqqat atuariannik naammassinninnissaminut periarfissaqassappata, suliniut taamak pingaaruteqartigisoq ammaffigineqartariaqarpoq.

Tamanna tunngavigalugu siunnersuut Kultureqarnermut, ilinniartitaanermut, ilisimatusarnermut llageeqarnermullu ataatsimiititaliami suliareqqinneqarnissaa innersuussutigaarput. Ataatsimiititaliaq piunnaqqunarpog allannguutissatut siunnersuutaasinnaasumik misissueqqullugu, piffinnilu kommunini tamani unammillernarsinnaasut misissoqqullugit, taassuma meeqqat inuusuttullu immikkut pisariaqartitsisut siunissamut, inuusuttutut allatuulli suliffeqalernissamut- aamma ilinniagaqalernissamut ikorfartorumallugit.